

Von etlichen Metall vnd Erden den Säfften des Landes zu Meyssen.

Der XXIII. Tittel.



Wist nicht leugbar / das im Lande zu Meyssen / vnter vnserer hochlöblichen Landesfürsten Herrschafft / kein sonderlich beruffen Saltzwerck oder Saltzbrunnen ist / welches noch zur zeit an tag kommen were / ausgenommen das jenige / so bey Weiffensfels etliche Jar hero gebawet worden / dauon man noch gute hoffnung hat : Ob wol deren bey vns sein können / wie denn allerley anzeigung hin vnd wider / als in der Diebenischen Heyde / etc. Wo sie nur der trewe vnd Allmechtige Gott / dermal eins den Menschen zu gut gnediglich offenbaren wolte. Wir können vns aber disfalls / Gott lob / wol erholen / wie bishero geschehen / bey dem alten vnd weitberühmbten Saltzwerck zu Hall / welches man gemeinlich in Sachsen nennet (zu vnterscheiden von dieses namens andern Stedten) da es doch in specie dauon zu reden / auch in Meyssen gelegen / wie wie anderswo dargethan / dieweil es vorzeiten der Hermunderer / als der Meyßner vorkommen gewesen : Derwegen es die Gelerten im Latein noch *Halam Hermundarorum* nennen / als auch Agricola thut / vnd man desselben aus Tacito vnter andern guten grund hat. So ist auch newlicher zeit vnter des hochlöblichen Stammes zu Sachsen Thyringischem Gebiete ein zimlich Saltzwerck zu Artern an der Unstrut / da das Land zu Thyringen vnd der Harz nicht fern dauon an einander stossen (so gar fern nicht von Franckenhause / da vor alters ein beruffen Saltzsieden gewesen / vnd noch ist) erfunden worden / welches viel örter dieser Land art ein zeitlang sich gebrauchet / dauon vielleicht von andern mehr bericht geschehen wird.

Vn dem Hällischen aber hat Mathesius etwas in seiner *Sarapta* / vnd Agricola in den Büchern *de re metallica* geschrieben. Sonderlich kan der Deudsche Leser bey dem Mathesio sich ein guten berichts vom Saltzsieden / vnd dabey gewöhnlichen vnd vblischen arten zu reden / vnd also dem ganzen Saltz Proceß / in guter Deudscher sprach (welcher / wie man sieht / Mathesius sonderlich mechtig vnd ein meyster ist) erholen. Was der Autor Pisonis dauon geschrieben / mag man auch daselbst im 7. Buch vnd 37. Cap. ersehen. Brotusius hat in seiner Merseburgischen Chronicken zehenerley Saltzes gedacht (wie gut vnd genau aber die *discrimina* von ihm gehalten worden / will ich hier nicht vrtheilen / weil es diesem guten Mann an sein fleis vielleicht nicht / sondern an einem richigen *iudicio* gemangelt) vnd eben von den Saltzbrunnen zu Hall etwas geschrieben. Agricola aber gedeneckt in seinen Schrifften / so er auff die natur erkündigung vnd bewerten Historien wol gegründet

P.

Saltz.

Weiffensfels.

Dieben.

Hall.

Artern.

Franckenhause
sen.Woe etwas
im Hällische
Saltz geschrie
ben.Saltz ist drey
erley.